

宋  
名  
家  
詞

片玉詞卷下

解語花

上元

風銷絳蠟露浥紅蓮燈市光相射桂華流瓦纖  
雲散耿耿素娥欲下衣裳淡雅看楚女纖腰一  
把簫鼓喧人影參差滿路飄香麝因念都城  
放夜望千門如畫嬉笑游冶鈿車羅帕相逢處  
自有暗塵隨馬年光是也唯只見舊情衰謝清  
漏移飛蓋歸來從舞休歌罷

片玉詞

汲古閣

鑲陽臺

懷錢塘。清真集俱不載。○卽滿庭芳

山崦籠春江城吹雨暮天煙淡雲昏酒旗漁市  
冷落杏花村蘇小當年秀骨縈蔓草空想羅裙  
潮聲起高樓噴笛五兩了無聞淒涼懷故國  
朝鐘暮鼓十載紅塵但夢魂迢遞長到吳門聞  
道花開陌上歌舊曲愁殺王孫何時見名娃喚  
酒同倒甕頭春

又

花撲鞭鞘風吹衫袖馬蹄初趁輕裝都城漸遠  
芳樹隱斜陽未慣羈遊况味征鞍上滿目淒涼  
今宵裏三更皓月愁斷九迴腸 佳人何處去  
別時無計同引離觴但唯有相思兩處難忘去  
卽十分去也如何向千種思量凝眸處黃昏画  
角天遠路岐長

又

白玉樓高廣寒宮闕暮雲如幃褰開銀河一派

流出碧天來無數星躔玉李冰輪動光滿樓臺  
登臨處全勝瀛海弱水浸蓬萊雲鬟香霧濕  
月娥韻壓雲凍江梅況食花飲露莫惜裴徊坐  
看人間如掌山河影倒入瓊盃歸來晚笛聲吹  
徹九萬里塵埃

過秦樓

清真集作選官子  
或作惜餘春慢

水浴清蟾葉喧涼吹巷陌馬聲初斷閒依露井  
笑撲流螢惹破畫羅輕扇人靜夜久凭闌愁不

歸眠立殘更箭嘆年華一瞬人今千里夢沉書  
遠空見說鬢怯瓊梳容銷金鏡漸懶趁時勻  
染梅風地溽紅雨苔滋一架舞紅都變誰信無  
聊爲伊才減江淹情傷荀倩但明河影下還看  
稀星數點

水滸清蟾俗本作京浴誤○情傷荀倩一作荀令非荀奉倩妻曹氏有艷

色嘗病倩以冷身變之後卒倩嘆曰佳人難再得人吊之不哭而傷神未幾倩亦卒

解蹀躞

秋思

候館丹楓吹盡面旋隨風舞夜寒霜月飛來伴

孤旅還是獨擁秋衾夢餘酒困都醒滿懷離苦  
甚情緒深念凌波微步幽房暗相遇淚珠都  
作秋宵枕前雨此恨音驛難通待憑征雁歸時  
帶將愁去

蕙蘭芳引

秋懷

寒瑩晚空點青鏡斷霞孤鶩對客館深局霜草  
未衰夏綠倦遊厭旅但夢遶阿嬌金屋想故人  
別後盡日空疑風竹塞北鸛鷀江南圖障是

處溫燠夏花管雲牋猶寫寄情舊曲音塵迢遞  
但勞遠目今夜長爭奈枕單人獨

六么令

重陽

快風收雨亭館清殘燠池光靜橫秋影岸柳知  
新沐聞道宜城酒美昨日新醅熟輕鑣相逐衝  
泥策馬來折東籬半開菊 華堂花艷對列一  
一驚郎目歌韻巧笑泉聲間雜琮琤玉惆悵周  
郎已老莫唱當時曲幽歡難卜明年誰健更把



片玉詞

汲古閣

茱萸再三囑

聞集琮呼玉清真集作聞聲沈次玉

紅林擒近

雪詠

高柳春纔軟凍梅寒更香  
暮雪助清峭玉塵散  
林塘那堪飄風遞冷故遣度幙穿窗似欲料理  
新粧呵手弄絲簧  
冷落詞賦客蕭索水雲鄉  
援毫授簡風流猶憶東梁望虛簷徐轉迴廊未  
埽夜長莫惜空酒觴

又

雪晴

風雪驚初霽水鄉增暮寒樹杪墮毛羽簷牙挂  
琅玕才喜門堆巷積可憺迤邐銷殘漸看低竹  
翩翩清池漲微瀾步履晴正好宴席晚方歡  
梅花耐冷亭亭來入冰盤對前山橫素愁雲變  
色放盃同覓高處看

滿路花

詠雪

金花落燼燈銀礫鳴窗雪庭深微漏斷行人絕  
風扉不定竹圍琅玕折玉人新間閣著這情懷

片玉詞

四十二

汲古閣

更當恁地時節 無言欹枕帳底流清血愁如  
春後絮來相接知他邨裏爭信人心切除某天  
公說不成也還似伊無箇分別

又

冬景

簾烘淚雨乾酒壓愁城破冰壺防飲渴培殘火  
朱消粉褪絕勝新梳裹不是寒宵短日上三竿  
帶人猶要同臥 如今多病寂寞章臺左黃昏  
風弄雪門深鎖蘭房密愛萬種思量過也須知

有我著甚情懷但你忘了人呵

氏州第一

清真集作熙州  
摘遍字句稍異

波落寒汀村渡向晚遙看數點帆小亂葉翻鴉  
驚風破雁天角孤雲縹緲宮柳蕭疎甚尙挂微  
微殘照景物關情川途換目頓來催老漸解  
狂朋歡意少奈猶被息牽情繞座上琴心機中  
錦字覺最縈懷抱也知人懸望久薔薇謝歸來  
一笑欲夢高唐未成眠霜空已曉

尉遲盃

別離

隋堤路漸日晚密靄生深對陰陰淡月籠沙還  
宿河橋深處無情画舸都不管煙波隔前浦等  
行人醉擁重衾載將離恨歸去因思舊客京  
華長偎傍疎林小檻歡聚冶葉倡條俱相識仍  
慣見珠歌翠舞如今向漁村水驛夜如歲熱香  
獨自語有何人念我無聊夢魂凝想鴛侶

塞翁吟

景夏

暗葉啼風雨窗外曉色隴牕散水麝小池東亂  
一畀芙蓉蘄州簾展霞紋浪輕帳翠縷如空夢  
遠別淚痕重淡鉛臉斜紅 冲冲嗟顛顚新寬  
帶結羞豔冶都銷鏡中有蜀紙堪憑寄恨等今  
夜灑血書詞剪燭親封菖蒲漸老早晚成花教  
見薰風

等今夜灑血書詞或作灑淚書詞非  
韓愈云剗肝以爲紙灑血以書詞

遶佛閣

旅况

暗塵四歛樓觀迥出高映孤館清漏將短厭聞

夜久簾聲動。書幔桂華又滿。閒步露草。偏愛幽  
遠。花氣清婉。望中迤邐。城陰度河岍。倦客最  
蕭索。醉倚斜橋。穿柳線。還似汴堤虹梁橫水面。  
看浪颭春燈。舟下如箭。此行重見。嘆故友難逢。  
羈思空亂。兩眉愁向誰行展。

慶春宮

悲秋。或刻柳耆卿。偏憐嬌鳳作唯他絕藝。

雲接平崗。山圍寒野。路回漸轉孤城。衰柳啼鴉。  
驚風驅雁。動人一片秋聲。倦途休駕。澹煙裏微

芒見星塵埃顚顚生怕黃昏離思牽縈 華堂  
舊日逢迎花艷參差香霧飄零絃管當頭偏憐  
嬌鳳夜深篴暝笙清眼波傳意恨密約匆匆未  
成許多煩惱只爲當時一餉留情

滿江紅

春閨

晝日移陰攬衣起春帷睡足臨寶鑑綠雲撩亂  
未懽裝束蝶粉蜂黃都褪了枕痕一線紅生玉  
背画欄脉脉儘無言尋碁局 重會面猶未卜



無限事縈心曲想秦箏依舊尚鳴金屋芳草連  
天迷遠望寶香薰被成孤宿最苦是蝴蝶滿園  
飛無心撲

丁香結

蒼蘚沿堦冷螢粘屋庭樹望秋先隕漸雨淒風  
迅澹暮色倍覺園林清潤漢姬紈扇在重吟玩  
棄擲未忍登山臨水此恨自古銷磨不盡牽  
引記醉酒歸時對月同看雁陣寶幄香纓熏爐

象尺夜寒燈暈誰念畱滯故國舊事勞方寸唯  
丹青相伴卽更塵昏蠹損

三部樂

梅雪

浮玉飛瓊向邃館靜軒倍增清絕夜窗坐練何  
用交光明月聞道宮閣多梅趁暗香未遠凍蕊  
初發倩誰折取持贈情人桃葉回紋近傳錦  
字道爲君瘦損是人都說祇知染紅著手膠梳  
黏髮轉思量鎮長墮睫都只爲情深意切欲報

片玉詞

四十六

汲古閣

信息無一句堪喻愁結

西河

金陵懷古

佳麗地南朝盛事誰記山圍故國遶清江髻鬟  
對起怒濤寂莫打孤城風檣遙度天際斷崖樹  
猶倒倚莫愁艇子曾繫空餘舊迹鬱蒼蒼霧沉  
半壘夜深月過女牆來賞心東望淮水酒旗  
戲鼓甚處是想依稀王謝鄰里燕子不知何世  
向尋常巷陌人家相對如說興亡斜陽裏

花庵詞選

作三疊風櫺遙望天際作一截賞心東望淮  
水又作一截○清真集在空餘舊迹分段

又  
清真集  
不載

長安道瀟灑西風時起塵埃車馬晚游行霸陵  
煙水亂鴉棲鳥夕陽中參差霜樹相倚到此際  
愁如葦冷落關河千里追思唐漢管繁華斷碑  
殘記未央宮闕已成灰終南依舊舊濃翠對此  
景無限愁思遶天涯秋蟾如水轉使客情如醉  
想當時萬古雄名盡作往來人淒涼事

一寸金

新定詞

州夾蒼崖下枕江山是城郭望海霞接日紅翻  
水面晴風吹草青搖山腳波暝晃鷺作沙痕退  
夜潮正落疎林外一點炊煙渡口參差正寥廓  
自歎勞生經年何事京華信漂泊念渚蒲汀  
柳空歸閒夢風輪雨檝終辜前約情景牽心眼  
流連處利名易薄迴頭謝冶葉倡條便入漁釣

樂

瑞鶴仙

悄郊原帶郭行路永客去車塵漠漠斜陽映山  
落歛餘紅猶戀孤城欄角凌波步弱過短亭何  
用素約有流鶯勸我重解繡鞍緩引春酌不  
記歸時早算上馬誰扶醒眠朱閣驚飈動幙扶  
殘醉遶紅藥嘆西園已是花深無地東風何事  
又惡任流光過却猶喜洞天自樂

又

清真集  
不載

暝煙籠細柳。弄萬縷千絲。年年春色。晴風蕩無  
際。濃於酒。偏醉情人。調客闌干。倚處度花香微  
散。酒力對重門。半掩黃昏。淡月院宇深寂。愁  
極因思。前事洞房佳宴。正值寒食。尋芳遍賞金  
谷里。銅陀陌到而今。魚雁沉沉。無信息。天涯常  
是淚滴。早歸來。雲館深處。那人正憶。

。浪淘沙慢

別恨

曉陰重。霜凋峴草。霧隱城堞。南陌脂車待發。東

門帳飲乍闌。正拂面。垂楊堪攬。結掩紅淚。玉手  
親折。念漢浦離鴻。去何許。經時信音絕。情切。  
望中地遠天闊。向露冷風清。無人處。耿耿寒漏  
咽。嗟萬事難忘。唯是輕別。翠罇未竭。憑斷雲。畱  
取西樓殘月。羅帶光銷。紋衾疊。連環解。舊香頓  
歇。怨歌永。瓊壺敲盡。缺恨春去。不與人期。弄夜  
色。空餘滿地梨花雪。

時刻在情  
切分段

。

又

清真集  
不載



萬。葉。戰。秋。聲。露。結。雁。度。砂。磧。細。草。和。煙。尚。綠。遙。  
山。向。晚。更。碧。見。隱。隱。雲。邊。新。月。白。映。落。照。簾。幕。  
千。家。聽。數。聲。何。處。倚。樓。笛。裝。點。盡。秋。色。脉。脉。  
旅。情。暗。自。消。釋。念。珠。玉。臨。水。猶。悲。感。何。況。天。涯。  
客。憶。少。年。歌。酒。當。時。蹤。跡。歲。華。易。老。衣。帶。寬。懊。  
惱。心。腸。終。窄。飛。散。後。風。流。人。阻。藍。橋。約。悵。恨。路。  
隔。馬。蹄。過。猶。嘶。舊。巷。陌。歎。往。事。一。一。堪。傷。曠。望。  
極。凝。思。又。把。闌。干。拍。

西平樂

元豐初予以布衣西上過天長道中後四十餘年辛丑正月二十六

日避賊復遊故地感

歎歲月偶成此詞

穉柳蘇晴。故溪渴雨。川迴未覺春餘。駝褐寒侵。  
正憐初日。輕陰抵死須遮。歎事逐孤鴻去盡。身  
與塘蒲共晚。爭知向此征途。區區竚立塵沙。追  
念朱顏翠髮。曾到處。故地使人嗟。道連三楚。  
天低四野。喬木依前。臨路欲斜。重幕想東陵晦。  
迹。彭澤歸來。左右琴書自樂。松菊相依。何況風

片玉詞

五十一

汲古閣

流鬢未華。多謝故人。親馳鄭驛。時倒融尊。勸此  
淹留。共過芳時。翻令倦客思家。

玉燭新

梅早

溪源新蠟。後見數朶江梅。剪裁初就。暈酥砌玉  
芳英嫩。故把春心輕漏。前村昨夜。想弄月黃昏  
時候。孤岼峭。疎影橫斜。濃香暗沾襟袖。樽前  
賦與多才。問嶺外風光。故人知否。壽陽謾闌。終  
不似照水一枝清瘦。風嬌雨秀。好亂插繁華盈

首須信道羗筦無情看看又奏

南鄉子

晨色動粧樓短燭熒熒悄未收自在開簾風不  
定颼颼池面冰漸趁水流早起怯梳頭欲綰  
雲鬟又却休不會沈吟思底事凝眸兩點春山  
滿鏡愁

又

下四闋清  
真集不載

秋氣遶城闌算角寒鴉未掩門記得佳人衝雨

片玉詞

五十一

汲古閣

別吟分別緒多於雨後雲  
小棹碧溪津恰似  
江南第一春應是採蓮閒伴侶相尋收取蓮心  
與舊人

又

寒夜夢初醒行盡江南萬里程早是愁來無會  
處時聽敗葉相傳細雨聲  
書信也無憑萬事  
由他別後情誰信歸來須及早長亭短帽輕衫  
走馬迎

又

詠秋夜

戶外井桐飄淡月疎星  
芙蓉寂寥恐怕霜寒初索  
被中宵已覺秋聲引雁高  
羅帶束纖腰自剪  
燈花試彩毫  
收起一封江北信  
明朝爲問江頭  
早晚潮

又

擬燕巢

輕軟舞時腰初學吹笙苦未調  
誰遣有情知事  
早相撩暗舉羅巾遠見招  
凝騃一團嬌自折

長條撥燕巢不道有人潛看著從教掉下鬟心  
與鳳翹

望江南

歌席上無賴是橫波寶髻玲瓏欹玉燕繡巾柔  
膩掩香羅人好自宜多無箇事因甚歛雙蛾  
淺淡梳粧疑見畫惺鬆言語勝聞歌何況會婆  
娑

又

春遊

遊妓散獨自遶回堤芳草懷煙迷水曲密雲銜  
雨暗城西九陌未霑泥桃李下春晚自成蹊  
墻外見花尋路轉柳陰行馬過鶯啼無處不悽  
悽

浣溪沙

不爲蕭娘舊約寒何因容易別長安預愁衣上  
粉痕乾幽閣深沉燈焰喜小爐隣近酒盃寬  
爲君門外脫歸鞍



又

翠葆參差竹徑成  
新荷跳雨碎珠傾  
曲欄斜轉  
小池亭  
風約簾衣  
歸燕急水搖扇影  
戲魚驚柳梢殘日弄微晴

又

寶扇輕圓淺画  
繒象床平穩  
細穿藤  
飛蠅不到  
避壺冰  
翠枕面涼偏  
益睡  
玉簫手汗錯成聲  
日長無力要人凭

又

薄薄紗幮望似空  
簾紋如水浸芙蓉  
起來嬌眼未惺惚  
強整羅衣擡皓腕  
更將紈扇掩酥胸  
羞郎何事面微紅

又

爭挽桐花兩鬢垂  
小粧弄影照清池  
珠簾踏襪趨蜂兒  
跳脫添金雙腕重  
琵琶破撥四絃悲  
夜寒誰肯剪春衣

又

或刻歐陽永叔

雨過殘紅溼未飛疎籬一帶透斜暉  
遊蜂釀蜜竊香歸金屋無人風竹亂  
夜篝盡日水沉微一春須有憶人時

又

日薄塵飛官路平眼明喜見汴河傾  
地遙人倦莫兼程下馬先尋題壁字  
出門閒記榜村名早收燈火夢傾城

又

貪向津亭擁去車不辭泥雨濺羅襦淚多脂粉  
了無餘酒釀未須令客醉路長終是少人扶  
早教幽夢到華胥

又

或刻李  
易安

樓上晴天碧四垂樓前芳草接天涯勸君莫上  
最高梯新筍看成堂下竹落花都上燕巢泥  
忍聽林表杜鵑啼

又

日射欹紅牖  
蒂香風乾微汗粉襟涼  
碧綃對捲簾紋光  
自剪柳枝明  
画閣戲拋蓮葯種橫塘  
長亭無事好思量

浣溪沙慢

清真集  
不載

水竹舊院落櫻筍  
新蔬果嫩英翠幄紅杏交樞  
火心事暗卜  
葉底尋雙朶  
深夜歸青鎖燈盡酒醒時  
曉窗明釵橫鬢亸  
怎生郎被間阻時多

奈愁腸數疊幽恨萬端好夢還驚破可怪近來  
傳語也無個莫是嗔人呵真個若嗔人却因何  
逢人問我

點絳脣

孤館迢迢算天草露霑衣潤夜來秋近月暈通  
風信今日源頭黃葉飛成陣知人悶故來相  
趁笑結臨岐恨

又

遼鷗歸來故鄉多少傷心地寸書不寄魚浪空  
千里憑仗桃根說與相思意愁無際舊時衣  
袂猶有東風淚

又

征騎初停酒行莫放離歌舉柳汀蓮浦看盡江  
南路苦恨斜陽冉冉催人去空回顧淡煙橫  
素不見揚鞭處

酒行莫放離歌舉清真  
集作西筵欲散離歌舉

又

臺上披襟快風一瞬收殘雨柳絲輕舉蛛網黏  
飛絮極目平蕪應是春歸處愁凝佇楚歌聲  
苦村落黃昏鼓

夜遊宮

客去車塵未斂古簾暗雨苔千點月皎風清在  
處見奈今宵照初絃吹一箭池曲河聲轉念  
歸計眼迷魂亂明日前村更荒遠且開罇任紅  
鱗生酒面

片玉詞



又

秋景

葉下斜陽照水捲輕浪沉沉千里橋上酸風射  
眸子立多時看黃昏燈火市 古屋寒窗底聽  
幾片井桐飛墜不戀單衾再三起有誰知爲蕭  
娘書一紙

又

清風集  
不載

一陣斜風橫雨薄衣潤新添金縷不謝鉛華更  
清素倚筠窗弄么絃嬌欲語 小閣橫香霧正

年少小娥愁緒莫是栽花被花妬甚春來病懨懨無會處

訴衷情

殘杏

出林杏子落金盤齒軟怕嘗酸可偕半殘青子  
猶印小唇丹南陌上落花閒雨斑斑不言不  
語一段傷春都在眉間

又

堤前亭午未融霜風緊雁無行重尋舊日岐路

茸帽北遊裝 期信杳別離長遠情傷風翻洒  
慢寒凝茶煙又是何鄉

又 清真集  
不載

當時選舞萬人長玉帶小排方喧傳京國聲價  
年少最無量 花閣迥酒筵香想難忘而今何  
事佯向人前不認周郎 喧傳京國聲價時  
刻讓與都城聲價

一落索 清真集作  
洛陽春

眉共春山爭秀可憐長皺莫將清淚濕花枝恐

花也如人瘦 清潤玉簫閒久知音稀有欲知  
日日倚欄愁但問取亭前柳

又

杜宇催歸聲苦和春歸去倚闌一霎酒旗風任  
撲面桃花雨 目斷隴雲江樹難逢尺素落霞  
隱隱日平西料想是分攜處

迎春樂

清池小圃開雲屋結春伴往來熟憶年時縱酒

字玉詞

汲古閣

孟行速看月上歸禽宿  
牆裏修篁森似束記  
名字曾刊新綠見說別來長冷翠蘚封寒玉

又

桃溪柳曲閒蹤跡俱曾是大堤客解春衣貰酒  
城南陌頻醉臥胡姬側  
鬢點吳霜嗟早白夏  
誰念玉溪消息他日水雲身相望處無南北

又

攜妓

人人艷色明春柳憶筵上儵攜手  
趁歌停舞歇

來相就醒醒箇無些酒 比目香囊新刺繡連  
隔座一時薰透爲甚月中歸長是他隨車後

虞美人

燈前欲去仍留戀腸斷朱扉遠不須紅雨洗香  
腮待得薔薇花謝便歸來 舞腰歌板閒時按  
一任傷人看金爐應見舊殘煤莫遣恩情容易  
似寒灰

又

廉纖小雨池塘遍。細點破萍面。一雙燕子守朱  
門。此似尋常時候。易黃昏。宜城酒泛浮春絮。  
細作更闌語。相看驕思亂如雲。又是一窗燈影。  
兩愁人。

又

疎籬曲徑田家小。雲樹開秋曉。天寒山色有無  
中。野外一聲鐘起。送孤蓬。添衣策馬尋亭堠。  
愁抱惟宜酒。蒹蒲睡鴨占陂塘。縱被行人驚散。

又成雙

又

一本無  
此首

淡雲籠月松溪路長記分攜處夢魂連夜遶松  
溪此夜相逢恰似夢中時海山陡覺風光好  
莫惜金罇倒柳花吹雪燕飛忙生怕扁舟歸去  
斷人腸

又

玉觴纔掩朱絃悄彈指壺天曉回頭猶認倚牆

十五同

汲古閣



花只向小橋南畔便天涯  
銀蟾依舊當窗滿  
顧影魂先斷  
淒風休颭半殘燈  
擬倩今宵歸夢  
到雲屏

又

金閨平帖春雲暝  
晝漏花前短  
玉顏酒解豔紅  
消一向捧心啼困不成嬌  
別來新翠迷行徑  
窗鎖玲瓏影  
研綾小字夜來封  
斜倚曲闌凝睇  
數歸鴻

研綾小字夜來封一作研綾非  
王介甫詩小研紅綾間詩句

醉桃源

清真集作  
阮郎歸

冬衣初染遠山青  
雙絲雲雁綾  
夜寒袖溼欲成冰  
都緣珠淚零  
情黯黯悶騰騰  
身如秋後蠅  
若教隨馬逐郎行  
不辭多少程

又

菖蒲葉老水平沙  
臨流蘇小家  
画闌曲徑宛秋蛇  
金英坐露華  
燒密炬引蓮娃  
酒香醺臉霞  
再來重約日西斜  
倚門聽算鴉

卜玉詞

汲古閣

鳳來朝

佳人

逗曉看嬌面小窗深弄明未辨愛殘粧宿粉雲  
鬢亂最好是帳中見說夢雙蛾微歛錦衾溫  
獸香未斷待起難捨拚任日炙西樓暝

待起難捨拚清

真集作待起  
又如何道

垂絲釣

縷金翠羽粧成纔見眉嫵倦倚玉奩看舞風絮  
愁幾許寄鳳絲雁柱春將暮向層城宛路鈿車

如水 時時花徑相遇舊遊伴侶還到曾來處  
門掩風和雨梁燕語問邨人在否

粉蝶兒慢

宿霧藏春餘寒帶雨占得羣芳開晚豔初弄秀  
倚東風嬌嬾隔葉黃鸝傳好音喚入深轂中探  
數枝新比昨朝又早紅稀香淺 眷戀重來倚  
檻當韶華未可輕辜靈眼賞心隨分樂有清樽  
檀板每歲嬉遊能幾日莫使一聲歌欠忍因循

片花飛又成春減

紅窗迥

幾日來真個醉不知道窗外亂紅已深半指花  
影被風搖碎擁春醒乍起有個人人生得濟  
楚來向耳畔問道今朝醒未情性兒慢騰騰地  
惱得人又醉

念奴嬌

清真集  
不載

醉魂乍醒聽一聲啼鳥幽壑岑寂淡日朦朧初

破曉滿眼嬌情天色最憺香梅凌寒偷綻漏泄  
春消息池塘芳草又還淑景催逼因念舊日  
芳菲桃花永巷恰似初相識在再時光因慣却  
覓雨尋雲蹤跡奈有離拆瑤臺月下回首頻思  
憶重愁疊恨萬般都在胸臆

黃鸝遶碧樹

雙闕籠佳氣寒威日晚歲華將暮小院閒庭對  
寒梅照雪淡煙凝素忍當迅景動無限傷春情

緒猶賴是上苑風光漸好芳容將煦 草英蘭

芽漸吐且尋芳夏休息慮這浮世甚驅馳利祿

奔競塵土縱有魏珠照藥未買得流年住爭如

剗引檣花醉偎瓊樹

爭如剗引檣花醉偎瓊樹  
清真集作爭如盛飲流霞

瓊樹

鬢雲鬆令

送傅國華奉使三韓  
清真集不載卽蘇幕遮

鬢雲鬆眉葉聚一闌離歌不爲行人駐檀板停

時君看取數尺鮫綃半是梨花雨 鷺飛遙天

尺五鳳閣鸞坡看卽飛騰去今夜長亭臨別處  
斷梗飛雲盡是傷情緒

芳草渡

昨夜裏又再宿桃源醉邀仙侶聽碧窗風快疎  
簾半卷愁雨多少離恨苦方留連啼訴鳳帳曉  
又是囟囟獨自歸去 愁顧滿懷淚粉瘦馬衝  
泥尋去路謾回首煙迷望眼依稀見朱戶似癡  
似醉暗惱損凭闌情緒澹暮色看盡栖鴉亂舞

片玉詞



歸去難

期約

佳約人未知背地伊先變惡會稱停事看深淺  
如今信我委的論長遠好彩無可怨自合教伊  
推些事後分散密意都休待說先腸斷此恨  
除非是天相念堅心更守未死終須見多少閑  
磨難到得其時知他做甚頭眼

燕歸梁

詠曉○清  
真集不載

簾底新霜一夜濃短燭散飛蟲曾經洛浦見驚

鴻關山隔夢魂通  
明星晃晃津回路轉揄影  
步花驄欲攀雲駕倩西風吹清血寄玲瓏

南浦

清真集  
不載

淺帶一帆風向晚來扁舟穩下南浦迢遞阻瀟  
湘衡臯迥斜艤蕙蘭汀渚危檣影裏斷雲點點  
遙天萼萼舊裏風偷送清香時時微度 吾家  
舊有簪纓甚頓作天涯經歲羈旅羗管怎知情  
煙波上黃昏萬斛愁緒無言對月皓彩千里人

何處恨無鳳翼身只待而今飛將歸去

醉落魄

清真集  
不載

弄金細弱秋風嫩桂花初著蕊珠宮裏人難學  
花染嬌萼羞映翠雲幄清香不與蘭蓀約一  
枝雲鬢巧梳掠夜涼輕撼薔薇萼香滿衣襟月  
在鳳皇閣

留客住

清真集  
不載

嗟烏兔正茫茫相催無定只恁東生西沒半均

寒暑昨見花紅柳綠處處林茂又覩霜前籬畔  
菊散餘香看看又還秋暮忍思慮念古往賢  
愚終歸何處爭似高堂日夜笙歌齊舉選甚連  
宵徹晝再三畱住待擬沉醉扶上馬怎生向主  
人未肯交去

長相思慢

清真集  
不載

夜色澄明天街如水風力微冷簾旌幽期再偶  
坐久相看纔喜欲歎還驚醉眼重醒映雕欄脩

竹芙蓉數流螢細語輕輕儘銀臺挂蠟潛聽自  
初識伊來便憺妖嬈豔質美豔柔情桃溪換世  
鸞馭凌空有願湏成遊絲蕩絮任輕狂相逐牽  
縈但連環不解難負深盟

時刻但連環不解下有流水長東四字誤

看花迴

詠眼

秀色芳容明眸就中奇絕細看艷波欲溜最可  
憺微重紅銷輕帖勻朱傅粉幾爲嚴粧時宛睫  
因個甚底死嗔人半餉斜眄費貼燮斗帳裏

濃懽意愜帶困時似開微合曾倚高樓望遠自  
笑指頻睂知他誰說那日分飛淚雨縱橫光映  
頰搵香羅恐揉損與他衫袖裏

又

蕙風初散輕暝霽景澄潔秀莖乍開乍歛帶雨  
態煙痕春思紆結危絃弄響來去驚人鶯語滑  
無賴處麗日樓臺亂絲岐路總奇絕何計解  
黏花繫月歎冷落頓辜佳節猶有當時氣味挂

一縷相思不斷如髮雲飛帝國人在雲邊心暗  
折語東風共流轉誤作凶凶別

或言梨花紫  
月下分影非

月下笛

清真集  
不載

小雨收塵涼蟾瑩徹水光浮壁誰知怨抑靜倚  
官橋吹笛映宮牆風葉亂飛品高調側人未識  
想開元舊譜柯亭遺韻盡傳胸臆 關于四遠  
聽折柳徘徊數聲終拍寒燈陋館最感平陽孤  
客夜沉沉雁啼正哀片雲盡卷清漏滴黯凝魂

但覺龍吟萬壑天籟息



二四一

片玉詞卷下

終

片玉詞補遺

十六字令

咏月。見天機餘錦

明月影穿窗白玉錢  
無人弄移過枕函邊

浣溪沙

春景。見草堂詩餘

水漲魚天拍柳橋  
雲鳩拖雨過江皋  
一番春信入東郊  
閒碾鳳團消短夢  
靜看燕子壘新巢  
又移日影上花梢

又

春景。或刻歐陽永叔

片玉詞

汲古閣

小院閒窗春色深  
重簾未捲影沉沉  
倚樓無語理瑤琴  
遠岫出雲催薄暮  
細風吹雨弄輕陰  
梨花欲謝恐難禁

憶秦娥

佳人。或刻蘇子瞻

香馥馥尊前有箇人  
如玉人如玉翠翹金鳳內  
家粧束嬌羞愛把眉兒  
感逢人只唱相思曲  
相思曲一聲聲是怨紅愁綠

柳梢青

佳人。見草堂詩餘

有箇人人海棠標韵飛燕輕盈酒暈潮紅羞蛾  
凝綠一笑生春爲伊無限傷心更說甚巫山  
楚雲斗帳香消紗窗月冷著意溫存

南鄉子

秋懷見  
詩林萬選

夜闌夢難收宋玉多情我結儔千點漏聲萬點  
淚悠悠霜月難聲幾段愁難展皺眉頭怨句  
哀吟送客秋蟋蟀床頭調夜曲啾啾又聽驚人  
雁過樓

片玉詞

蘇幙遮

風情。見  
草堂詩餘

隴雲沉新月小楊柳梢頭能有春多少試著羅  
裳寒尚峭簾捲青樓占得東風早翠屏深香  
篆裊流水落花不管劉郎到三疊陽關聲漸杳  
斷雨殘雲只怕巫山曉

畫錦堂

閨情。見  
草堂詩餘

雨洗桃花風飄柳絮日日飛滿雕簷懊惱一春  
幽恨盡屬眉尖愁聞雙飛新燕語更堪孤枕宿

醒歡雲鬟亂獨步畫堂輕風暗觸珠簾多歇  
晴晝永瓊戶悄香銷金獸慵添自與蕭郎別後  
事事俱嫌短歌新曲無心理鳳簫龍管不曾拈  
空惆悵常是每年三月病酒恹恹

齊天樂

端午。或刻無名氏

疎疎幾點黃梅雨佳時又逢重午角黍包金香  
蒲泛玉風物依然荆楚形裁艾虎更釵裹朱符  
臂纏紅縷撲粉香綿喚風綾扇小窗午沉湘

片玉詞

七十二

汲古閣

人去已遠勸君休對景感時懷古慢轉鶯喉輕  
敲象板勝讀離騷章句荷香暗度漸引入醺醺  
醉鄉深處臥聽江頭画船喧韵鼓

女冠子

雪景。或刻柳耆卿

同雲密布撒梨花柳絮飛舞樓臺悄似玉向紅  
爐煖閣院宇深沉廣排筵會聽笙歌猶未徹漸  
覺輕寒透簾穿戶亂飄僧舍密灑歌樓酒帘如  
故想樵人山徑迷蹤路料漁父收綸罷釣歸

南浦路無伴侶見孤村寂莫招飈酒旗斜處南  
軒孤雁過歷歷聲聲又無書度見臘梅枝上嫩  
蕊兩兩三三微吐

吳成于徽宗時提舉大晟樂府故其詞盛傳  
于世余家藏凡三本一名清真集一名吳成集短  
句皆不滿百闕最後得宋刻片玉集二卷計詞  
百八十有奇晉陽強煥為敘余見評注雁禰一  
削去贅其訛謬間有茲集不載錯見清真諸



本者附補遺一卷美成庶無遺憾云若乃諸名家之甲乙久著人間無待予脩述也湖南毛晉識

片玉詞補遺

終